

Uitgave augustus 2006

Jieëdere 3^e weëk van de moand presentere vieër os "Bie Wieze Van Sjpreëke", in de Trompetter. Vier nuëdige jieëderie oet om hie aan deel te numme. Doer 'n sjtukske te sjriev en noa onge sjtong e-mail adres te sjikke, of om 'ns langs te komme op een van os oavende; de 2^e moandig van de moand om 20.00 oer Schoolstraat 4 in Broenssem.

't Sjoëenste leëve

Uëver oalie en geld
Bemuijt zich de ganse welt
Om invloed en mach
is al minnig offer gebrach
Doeër sjtates en aazieë
Zint luuj zichzelf neet mieë
En doeër al deë onzin op riej
Leëve vier in 'n hoddelsmaatsjappie

Terwiel vier vuur 't zelfde geld
Os kost-e vruije op deez welt
Mit jieëderie in vruid en vriej
Wiet-e-weg en ooch kort bie
Nui same neëve ee in vrei
Oane leed en oane beheij

Leëf toch oane aafguns en nied
Dan hast-e gene sjood en gene sjpiet
Leëf toch in 't leech en neet in 't zjwart
Get minder mit de kop en get mieë mit 't hart
Houd dien tong oet 't roddelsjpieël
Wenst-e kals, kal dan mit dien zieël
En zitte vier dan 'ns alles op 'n riej
Dan hubbe vier 't sjoëenste leëve hiej
Wiel Roeselers

Der Mertplei

Op 't Lindeplei, onge rieje tente
Lope luuj mit veuël en wieëneg cente
Ze wete nog neet wat ze wille kope
Mer ze trampele, ze kieke en lope

Op 't Lindeplei graaie ze in der hoop
Onge-op likt volges hun de koop
't Geluk likt vuur 't griepe
aan 't ungesjte wurdt ongeveulig gerieëte

Op 't Lindeplei kiek der toeëre
Van 't oud roadhoes neer op boeteluuj en boeëre
Die vinge, der kieës en 't freut kins-te hie good kope
En de erm vruijkes en menkes, die lope en lope

Jan Halmans

Zoeë mer inne daag

Wie flot inne daag toch vergeet,
Bedink ich mich jieëdere kieër went de zon onger geet!
Dan laot ich mien gedachte ins achterhoale,
Wat houw deë daag vuur 'n verhoale?

Deë daag deë vreug is begos,
Omdat 't noe eenmoal neet angesj kos!
Oetsjloape zoot d'r gewuën neet in,
Mér dat heët ooch wieëinig zin!

Rustig 'n bietje bie gekomme,
En doa noa 'n ontbijtje genomme!
Vervolges d'r agenda ins d'r bie gepak,
Om te kieke welke afsjproake d'r vuur huuj zunt gemak!

Precies zoeë wie ich 't mich houw gedach,
En ich houw mich d'r mér flot bie neergelag!
D'r agenda sjting weer volledig vol,
Kortom: inne nuuje wirkdag sjting op de rol!

Op weëg noa 't wirk gegange,
Mit mér één groeët verlange!
Went zoeë merkde ich al gauw,
D'r hiëmel woar sjtroalend blauw!

Woare die 8 oeër noe mér al vuurbie,
Dan houw ich weer lekker vrie!
Mér dat woar mich huuj neet gegeëve,
Tsja, zoeë geet dat in 't leëve!

Op 't wirk woar 't hieël erg druk,
Dat woar 'n geluk bie 'n ongeluk!
Want flotter dan ich houw gedach,
Woeërd doer mien collega's "bis murge" gezag!

Inne hiële vrieje oavend in 't vuuroetzich,
Dat goof inne glimlach op mien gezich!
leësj rustig mit z'n alle get gegeëte,
En doe de leuke dinger van 't leëve neet vergeëte!

D'r woare deë oavond veuël sjoeën dinger,
Zoeë wieë 't gejoel van alle kinjer!
En dan de pracht en praal van de natuur,
Ooch in dizze tied nog ongeremd en puur!

Vanzelf minder leuke dinger woare d'r ooch get,

Mér doa hub ich effe neet teveuël bie opgelet!
Die wirke toch alleen mer op 't gemood,
En dus is doa-aan dinke gaar neet zoeë good!

De zon begos onger te goan,
En d'r daag hoeërt langzaam op te besjtoan!
Inne daag mit veuël gebuërde zake,
Die os herinneringe noeëts kwiet zulle rake!

Ron Logister.

Inne kater

Inne groeëte sjwatte kater
deë sjloog ins inge flater
dronk sjnaps in plaatsj van water
en woeëd bei jieëker glaas nog zater
heë ligkt in bed noe mit inne kater

Thei Janssen

Bie wieze van sjpreëke

Heë houw vluë op ziene sjtart
Vier gont mit de hoonder op sjtek
Het hat gedeeld mit de duursjtjel
Went der bok neest, zeët de geet hatsjie
'n Groeëte boks huërt uëver 'n groeëte vot
't Is 'n good kindj dat noa zien vader aard
Hie ligke de muus doeëd vuur de kas
Heë sjlieëp wie 'n risj
Heë sjleet mit de bee 't Ingel des Hieëre
Heë hat lapsjoeëre
Der daag is ieësj om went 't oavend is

Hij was bloednerveus
Wij gaan vroeg naar bed
Zij was enige erfgenaam
Zij doet precies wat haar man zegt
Wie het breed heeft laat het breed hangen
Aardje naar zijn vaartje
Hier heerst armoede
Hij slaapt als een blok
Hij loopt onvast
Hij heeft flaporen
Juich niet te vroeg

Website: www.bronvanbrunsham.nl

Heemkunde ver. Bron v. Brunsham: Schubertstraat 6 6444 BB Brunssum (ed.van.gelder@wanadoo.nl)

Dialectgroep: Folkloriada 15 6441 DW Brunssum (w.roesellers@hetnet.nl)